

Programma invitatorium de rhythmis Basilio Valentini octavum dissertationi inaugurali [J.M. Eichleri] de cholera ... praemissum / [Hermann Friedrich Teichmeyer].

Contributors

Teichmeyer, Hermann Friedrich, 1685-1744.
Universität Jena.

Publication/Creation

Jenae : Litteris Hornianis, [1735]

Persistent URL

<https://wellcomecollection.org/works/pgpmgwc4>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.

**wellcome
collection**

Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

(41.)

73253

MEDICAE FACULTATIS DECANI
**HERMANNI FRIDERICI
TEICHMEYERI**

PHIL. ET MED. DOCT. ANATOMIAE, CHIRURGIAE ET BOTANICIS PROF. PVBL. ORDINARII, SERENISSIMORVM SAXONIAE DVCVM VINAR. ET ISENAC. CONSIL. AVL. ET ARCHIATRI, ACAD. IMPERIAL. LEOPOLD. CAROLIN. AC SOC. SCIENT. REG. BORVSS. SODALIS

PROGRAMMA INVITATORIUM
DE
**RHYTHMIS BASILII
VALENTINI
OCTAVVM**

DISSERTATIONI INAUGVRALI

DE
CHOLERA

DIE III. SEPTEMBRIS M DCC XXXV.

HABENDAE

PRAEMISSVM

IENAE DOMINICA XIII. POST TRINIT.

LITTERIS HORNIANIS.

MEDICAE FACULTATIS DECANI

HERMANNI FRIEDERICI
TEICHMEYERI

PHIL. ET MED. DOCT. ANATOMIAE, CHIRURGIAE ET BOTANICAE
CIS. PROE. PART. ORDINARI, PERMISSISSIMORVM SAXONIAE DVCAVM
VINAR. ET ISHNAC. GOV. AVT. ET ARCHIASTR. ACADEM. IMPER.
RIAL. LEOPOLD. CAROLIN. AC. SOC. SCIENT. REG.
BORVSS. SOCIIS

PROGRAMMA INVITATORIVM

DE

RHYTHMIS BASILLI

13253



VALENTINI
OCTAVVM

DISSERTATIONI INVAGVRIAE

DE

CHOLERA

DIE III. SEPTEMBRIS M DCC XXXV.

HABENDA

PRAESENTANDI

DIENAE DOMINICA XIII. POST TRINITATIS

LITTERIS HORNIANIS.



I. N. I.



T promisso, quod in Programmate septimo dedi, satisfaciam, communicabo iamiam Processum spiritus Naphthae chemicae, siue anodynii mineralis, quemadmodum eundem haecenus praeparare consueui: Receptis scilicet spiritus vini, ex vino nostro Ienensi parati, rectificatissimi partibus tribus; * Olei vitrioli

) (2

* Omnis spiritus vinosus, siue sit paratus ex vino rhenano, gallico, alioue, siue ex fecibus vini, siue ex saccharo, siue ex melle, siue ex frumentis ad dissoluenda principia olei vitrioli aptus est, modo sit dephlegmatissimus, rectificatissimus, a suis principiis crudioribus bene depuratus & insimul grati odoris & saporis.

vitrioli nigricantis grauiissimi & fumantis parte una; ** Spirituque vini infuso in cucurbitam longioris colli, erectam supra sertum stramineum, addo guttatim oleum vitrioli: & ita oritur notabilis strepitus cum ebullitione, fumi assurgunt odoris spiritus Nitri dulcis, quae vero nebulae albicantes, notabili grauitate praeditae, breui tempore versus fundum cucurbitae descendunt. Et cum mixtura notabiliter incalescit, oleum in centrum cucurbitae infundendum, ne fiat vitri ruptura. Peracto hoc labore, immittuntur in cucurbitam fragmenta tubulorum vitreorum, quae ad palmae longitudinem supra Mixturae horizontem minimum eminere debent ***; Superimponitur alembicus vitreus, qui, interposita charta, ad collum cucurbitae adaptatur. Post haec agglutinatur alembicus exactissime ad collum cucurbitae, vel luto communi vel zonis, ex vesica bubula exsectis & probe madefactis; **** clauditur

** Proportio inter spiritum vini & oleum vitrioli ab Autoribus diuersimode indicatur. Alii recipiunt spiritus vini & olei partes aequales; alii ad vnam olei addunt duas, quatuor, quinque vel sex partes spiritus vini.

*** Ratio additionis tubulorum vitreorum haec est, in fine materia picea format notabiles bullulas, quae, ad colli cucurbitae extremum marginem interdum assurgentes, ipsum saepius alembicum intrant, a tubulis vitreis additis bullae a se inuicem separantur & rumpuntur.

**** Hic spiritus subtilissimus in destillatione sua fere omnia luta penetrat, & odorem suum per totum Laboratorium diffundit, imo locos vicinos. Hinc parare soleo luta ex vernice, oleo lini, bolo, minio & Lithargyrio. Hac Massa molli

ditur quoque rostrum alembici & Mixtura per tres quatuorue dies & vltra leni calore digeritur ad recludenda Mixturae principia.

Finita digestionem, immittitur cucurbita in arenam, rostrum alembici referatur & adaptatur vas recipiens amplum pro maiori & liberiori spirituum elasticorum expansione & simili luto obducitur.

Nunc, destillatione suaviter & successiue gradatim instituta, affurgit spiritus penetrantissimi odoris, sulphurei, siue naphtha chemicorum. Ego plerumque per destillationem separare soleo tres circiter Mixturae partes, quas effundo, & seorsim conferuo. Recipiente vero denuo adaptato, per continuatam destillationem vltimato accepi Phlegma acidum cum oleo quodam supernatante, in cucurbitae fundo autem materia obscura & picea remanet.

Spiritum, quem impetraui, semper sulphurei est odoris, ad instar sulphuris accensi, saporisque aciduli, qui, acido deinceps separato, maxime dulcis gratissimique odoris atque saporis redditur. Quomodo hic labor peragatur, in posterum, Deo auxiliante, declarabimus. Iamiam haecce praemittere volumus occasione Differtationis Inauguralis clarissimi & dignissimi Honorum Doctoralium in Arte medica Candidati,

) (3

IOH.

molli & malaxabili obduco reliqua luta & omnes commissuras. Per hoc lutum spiritus non penetrat, & si lutum hoc per euaporationem spissum redditur, denuo miscetur oleo lini & pristinam acquirit mollitiem,

IOH. MAXIMILIANI EICHLERI,

Qui primam aspexit lucem in Illustri Ciuitate, Francofurtum dicta & ad Moenum sita Anno MDCC VIII. Patrem exosculatur IOHANNEM STEPHANVM EICHLERVM, Mechanicum ac ciuem Francofurtensem, Matrem vero SVSANNAM CATHARINAM, IOHANNIS CAROLI LANDECKII, mechanici ciuisque Norinbergensis filiam. Summa statim paternae circa adhuc tenerum curae eo redibat, vt tam priuatis, quam publicis Gymnasii Francofurtensis Praeceptorum Institutionibus iis praeceptis instrueretur, quibus aetas puerilis imbui solet, donec tandem adultiori aetate, in excolendis studiis humanioribus, ductu Virorum Clarissimorum IOH. THOMAE KLUMPFII, Rectoris meritissimi, DANIELIS SCHLEICHII b. m. & PETRI REINHARDI, Pro-Rectoris spectatissimi vltierius progressus est. Hisce morum, pietatis & doctrinae exercitiis exantlatis, tandem Anno MDCCXXIX. iussu paterno, ad Virum Excellentissimum Dominum Consiliarium, FRANCISCVM CAROLVM de KELLERN, Physicum Heilbronnensem Experientissimum, se contulit, cui prima Salutaris Artis Medicae principia gratissimus debet. Iactis igitur sub ductu Viri huius Celeberrimi primis fundamentis, Anno huius seculi XXXI. Academiam Argentoratensem petiit, eiusque Academiae Magnifico tunc temporis Rectori, IOH. IACOBO SCHERTZIO, Institut. Imperial. P. P. O. nomen dedit, vbi in Anatomicis, Osteologicis atque Chirurgicis B. D. D. HENRICO

RICO ALBERTO NICOLAI, Anatomiae & Chirurgiae P. P. O. dum viueret famigeratissimo, per omnes, quos academica aetas tulit dies, Praeceptore vsus est. In Botanicis, Materia Medica & in Formulis praescribendis multum ex institutione solidissima IOH. BOECKLERI b. m. Botanices & Chemiae P. P. O. profecit. Tandem, quod praemature B. NICOLAI obitu in studio Anatomico abruptum erat, vltius Duce Celeberrimo & Excellentissimo IOH. SALTZMANNO adhuc pertexuit. In Physicis ab ore Viri Excellentissimi, D. IOH. IACOBI SACHSII t. t. Philosoph. Nat. P. P. O. magno cum emolumento pependit. Annus erat huius seculi XXXIII. quo, relictis Argentoratensibus Musis, Celeberrimam nostram Salanam t. t. Magnifico D. Pro-Rectore DIET. HERMANNO KEMMRICHIO, Sereniss. Saxon. Ducum Stirp. Ernest. Consiliario Aulico, Codicis & Nouell. P. P. O. Curiae Prouincial. Saxon. commun. Facultat. Iurid. & Scabin. Assessore, laetis auspiciis salutauit. Hic statim illi fortuna Celeberrimum & Excellentissimum Virum D. GEORGIVM ERHARDVM HAMBERGERVM, Praeceptorem ac Fautorem dedit, cuius Lectiones Physicas, Physiologicas, Pathologicas, Chirurgicas, Semioticas, Chymicas, Materiae Medicae, Formularum, Methodique Medendi non sine insigni emolumento audiuit. Magnificum Dominum Pro-Rectorem, D. SIMON. PAVLVM HILSCHERVM, Medicinae Doctorem & P. P. O. in Materia Medica & praescribendis Formulis habuit Praeceptorem. Ad Lectiones propius accessit Practicas, cum neminem expertus sit insigniorem Illustri,

Iustri, Magnifico, Excellentissimo & Experientissimo IOH. ADOLPHO WEDELIO, Venerabili Facultatis Medicae Seniore, Prax. & Chym. P. P. O. Sereniss. Saxon. Duc. Consiliario Aulico, istius Collegiis de Febribus, Fluxionibus ac Methodo Medendi sedulo ac maximo studiorum emolumento interfuit. Ex ore quoque Generi mei dilectissimi D. D. IOH. ANDREAE SEGNERI, Philosophiae hactenus P. P. Extraordinarii, nunc vero Mathematicum ac Physices in Academia Regia Goettingensi P. P. O. tam Lectiones Philosophicas & Mathematicas quam Institutionales Medicas audiuit. Tandem & meis Lectionibus Anatomicis, Botanicis & Medico-legalibus, item duabus Publicis anatomicis Sectionibus interfuit. Confecto sic laudabiliter studiorum suorum curriculo, Facultatem nostram accessit, modeste petens, vt in numerum Candidatorum reciperetur. In Examinibus consuetis, a Collegio nostro cum eo institutis, Eruditionem suam nobis sufficienter probauit, & ideo Licentiam disputandi pro Gradu Doctorali, de CHOLERA, meo sub Praesidio impetrauit.

Ad hunc Actum Solennem Magnificum D. Prorectorem, Illustrissimum S. R. I. Comitem, Patres Academiae Venerandos, Hospites omnium dignitatum honoratissimos, Generosissimam & Nobilissimam Comilitonum Coronam officiosissime, nomine Collegii mei, inuito. P. P. Ienae Dominic. XIII. post Trinitatis MDCCXXXV.

(L. S.)